


# Sura' Madatu Iako Pia Pamengan

## Iatonna Puang umpadadi mintu'na



Tu unnoki': Edward Hughes

Tu unggambarai': Byron Unger; Lazarus  
Alastair Paterson

Tu unggaraga perubahan: Bob Davies; Tammy S.

Tu ussandai bahasanna:  
[www.christian-translation.com](http://www.christian-translation.com)

Tu umpadadi: Bible for Children  
[www.M1914.org](http://www.M1914.org)

©2021 Bible for Children, Inc.

Tu ampui: Tae na bisa pebudai, dicetak te ulelean ke te'mu baluk i.


1

Indanna unggaraga ki'? Lan Sura' Madatu, sia kadanna Puang Matua napokada umbasusi tu pamulanna katuanna tau dadi. Iatonna Puang umpadadi dolona tau na benni sanga Adam, napadadi Puang tu Adam diomai padang, na iatonna benni penaa Puang tu Adam na tuo na amparanni tu kalena tuo misa-misa di pa'lak Eden.




2

Iatonna tae'pa na padadi Puang tu Adam, na nasang dolo tu mintu' melona. Na padadi Puang si misa'-misa' susi tu buki' riu, padang, bunga, sia kayu, sia manuk-manuk sitiaran, bale kapua, sia mintu' olo'-olo' sisayuan. Natongan kumua iatu Puang umpadadi mintu na issinna lino.



3


Iatonna tipamulanna, tonna tae'pa apa na padadi Puang, tae' bangpa apa-apa lan lino, Puang manna. Te' tau, inan, sia mintu' barang apa tae'. Tae' allo sia malillin, tae' na kendek sia turun, tae' sammai' sia masiang. Puang manna den iamo Puang tu tae' dolona tu umpadadi tu mintu' na lan lino.



Iatonna tipamulanna, Puang umpadadi langi' sola lino.


4

Iatu lino tang tibori', sia tae' bang apa-apa lan, ma'kadami tu Puang ko l "an den tu disanga masiang".




5

Denmi tu masiang, nasangami Puang Matua allo tu masiang na bongi tu malillin. Tonna mangka to makaroen sia melambi', iamo allo bunga'na to.



6

Na iatonna allo ma'penduanna na padadimi Puang matua tu batara, anna pasisarak tu uai diongna lu sia daona lu na iamoto allo ma'pentallunna, ma'kadami tu puang "la ma' misa' inan tu mintu' uai na sambo langi" anna sombo tu karangkean na dadimi susito.




7

Ma'kadami tu Puang Matua, iatu padang la untuan riu sia tananan kelise, sia kayu membua situru' a'ganna, dadimi susito tonna mangka to, makaroenmi sia melambi' iamo allo ma'pentallunna to.




8

Na padadimi Puang tu parrang,  
parrang kapua sia parrang bitti'  
sia mintu' bintoen tu tae' tau  
bisa rekenni. Makaroenmi sia  
melambi' iamo allo ma'pena'pa'na.



9


Ma'kadami tu Puang Matua: la  
sibi'tokan lan mintu' to uai tu  
ba'tu pira-pira kapenaanna sia  
la den manuk-manuk mentia' lan  
lino sia lan batara dao langi'.  
Napadadimi Puang tu bale  
kapua sia mintu' olo'-olo'  
sisayon, tu sibi'tokan lan to  
uai situru' a'ganna, sia mintu'  
manuk-manuk kepani' situru'  
a'ganna. Na passakke Puang  
matua nakua: membatu' kalle-  
kalleang komi. Tonna mangka  
to makaroenmi sia melambi'  
iamo allo ma'pellimanna.



10

Ia tonna mangka to, ma'kadami tu Puang matua  
kumua iatu lino la umpabu'tu penampa kapenaanna  
situru' a'ganna iamo tu patuoan siolo'-olo' mendonglo'  
sia iatu mariranna dio kuli' na padang, mintu' na to  
napadadi nasang Puang allo iato.

Makaroenmi sia melambi', iamo allo ma'penannanna.




11

Na padadimi Puang tu nasanganna melona, iatu lendu'  
melona mintu'na den nasang lan te lino. Den mo  
kande dio lu padang sia mintu patuoan dio kuli'na  
padang. Ma'kadami tu Puang kumu: Melo ke  
umpadadiki' toline ta pasusi  
rupanta, umparundui' a'ganta.  
Napadadi Puang Matua  
tu toline na pasusi  
rupanNa Puang Matua.




12

Ma'kadami tu Puang  
lako Adam: "iatu  
buanna mintu' kayu  
lan te pa'lak ma'din  
mukande unturui'  
pa'poraimmu. Apa iate  
bua kayu kapaissanan  
diona melona anna  
kadakena da'mu kande  
belanna randuk allo  
iato mukandei,  
lama'lalan mateko."



13

Sia ma'kadami tu Puang: "tae anna melo, ke  
misa-misa bangtu to lino. La kukombongan tu  
umbalii, tu nasangkalammaran. Nasangai  
mo Adam tu mintu' patuoan sia mintu'  
manuk-manuk dao langi', sia mintu'  
olo'-olo' dio padang apa iatu Adam  
tae anna ampai' tu nasibalian tu  
nasikalammaran.



14

Na pamammai' kalupi-kalupiammi Puang tu Adam,  
anna leppeng na alai tu usukna sangbambang  
napakemonni duku' tu pangalaianna.  
Nakombong mi Puang tu misa'  
baine dio mai usukna Adam.



15

Puang mangka umpadadi tu langi' sola lino  
sia mintu' issinna. Napassakke Puang tu allo  
ma'pempitu sia namapadatu belanna ia nanai  
umpatorro pekkaranganna tu mangka na  
karang. Lan pa'lak Eden Adam sola bainena  
ampui katuoan melo, sia makaritututu lako  
Puang. Puang matua iatu Puang  
umpadadi langi' sola lino sia  
mintu' issinna.



16

Iatonna Puang umpadadi mintu'na


Misa' ulelean diona kadanna Puang Matua  
iamotu Sura' Madatu

Diamparan dio

Kadadian 1 (misa') - 2 (da'dua)

"Ba'ba tama kadamMi umpaden la'bi."  
Pa'pudian 119:130

17



1



60

18

Ulelean sura' madatu iate napokadan ki' diona Puang ta tu lendu'  
makuasa tu umpadadi kita to lino sola tu la untandai tu puang.

Natandai Puang kumua mangka ki' pogau' tu kadakena, iatu disanga  
dosa. Naiatu buanna dosa iamotu kamatean apa iatu Puang lendu'  
ungkamasei ki'. Nabengkik anak tungga'Na Puang Yesu, mate do  
kayu salib sola disabu'i belanna dosa-dosata. Puang Yesu tua sule  
dio mai kamatean na kende'k langan Suruga naammu patonganni tu  
Puang Yesu sia palako ko kapagarrisan tu mintu' penggauran na  
pagarri'ko. Tulasule sia torro lan kaleta sae lakona.

Iammu patongan ni te ko katonganan, pokadai te lako Puang Matua:  
Puang pa'kaboro' kupatongan Komi, kumua Kamumo Puang iatu  
mangka mendadi to lino, mate belanna mintu' kasalangku sia  
dosangu na tua sule. Sae Komi lan katuangku sia pagarri' tu mintu'  
salabudangu angku ampui katuan ba'ru na denoupa' ta sisola  
saelakona. Tunduina' unturu' komi sia mintu' katuangku  
kusorong lako kalemi Puang. Amin.

Basai tu Sura' Madatu sia massambayangko lako Puang keallo  
kebongi (Yohanes 3:16)

19